

Trahando duro pa partido

JOHN TROMP TA DESMENTI PROBLEMA CU PPA

ORANJESTAD(AAN)—
"mi sabi di unda e rumor-
nan ta sali. Mi sabi cu tin
politiconan cu tin miedo
di mi. Straño pasobra ta
awor mi a cuminza milita
den politica".

Esaki tabata palabranan

di Elvan John Tromp,
candidato pa PPA di Playa
Pabao, kende a desmenti
na forma categorico
rumornan cu e lo tin pro-
blema cu e partido.

El a mustra cu e ta
trahando duro pa e

campaña actualmente y cu
e no tin ningun intencion
di bira lomba pa e partido
PPA, cu e ta representa
na Playa Pabao.

Segun John Tromp ta
justamente e politiconan
cu ta trata di lanza rumor-

nan falso, ta hacie sinti su
mes grandi.


El a haci un peticiona-
na uno y tur pa mantene
un nivel politico debido.
Mester traha un programa
pa yuda nos isla den su
situacion actual. Cada

partido mester presenta
nan programa pa asina
pueblo por tuma nota di e
contenido y juzga.

Segun John Tromp
politiconan no mester cana
papia di otro politiconan
pa asina trata di kita voto
nan.

Den persona di Andres Rasmijn

PDA TA PRESENTA OTRO CANDIDATO



di Paradera.

E candidato aki ta
Sr. Andres Rasmijn, di 33
año di edad, maestro di
school cu ta bay drenta
su di 10 año di servicio den
educacion, na Mariaschool
y Macuarimaschool na Sta.
Cruz.

Señor Andres Rasmijn
ta un persona masha activo
y bon conoci, en especial
den pueblo di Paradera.
Señor Rasmijn tabata

Presidente di Comision
Cultural di Paradera,
miembro di schoolsport-
commissie, miembro di
Consejo Parochial di Para-
dera y ta miembro tambe di
R.K. Onderwijsraad.

Señor Andres Rasmijn
ta casa cu Señora Mary-
Rasmijn-Stamper y nan
tin dos yiu. PDA pa
medio di un comunicado
a invita henter pueblo di
Aruba y e pueblo di Para-

dera en particular pa asisti
na e reunion di contacto
aki pa haya informacion-
nan di PDA y cera conoci
cu otro candidato cu lo

bay traha duro pa ancanza
un status social sigur pa
nos dushi Aruba, manera
e partido a termina bisan-

ORANJESTAD(AAN)—
Den un comunicado, PDA
ta trece dilanti cu
siguiendo e careda di
reunionnan di contacto cu
PDA tin den tur distrito di
Aruba, Davierna dia 19 di
Juli lo tin un reunion di
contacto den Hofe Chona
na Paradera, cuminza pa
9 or di anochi.

Durante e anochi aki
PDA lo presenta su
siguiente candidato, un jo-
ven bon studia di e pueblo

25 AÑA CREDIT UNION

ORANJESTAD(AAN)—
Dia 21 di Juli proximo
Credit Union Santa Cruz
ta cumpli 25 año di
existencia.

Pa celebra e quinto
lustru, Directiva a invita
tur su miembronan y

pueblo di Santa Cruz en
particular pa un Santo Sa-
crificio di Misa pa 9 or di
mainta den Misa Inmacu-
lata Concepcion na Santa
Cruz y despues di misa pa
un brindis na Credit
Union.

ALARMA A CORE LADRONNAN

ORANJESTAD(AAN)—
Diarazon madruga cen-
trale post a wordo avisa
cu e alarma di un negoshi
cu ta situa den Engeland-
straat tabata den funcion.

Ora patruya a yega na e
sitio, nan a encontra e
doño di negoshi, y un inve-
stigacion a wordo inicia.

A resulta cu malhechor-
nan a saca un aparato di
aire acondicionado for di
su lugar pa drenta den e
negoshi.

Comoquiera cu e alar-
ma a bati asina duro,
e ladronnan a spanta y a
laga e aparato di aire
un banda y a baha na awa.

Nan no a logra pues di
drenta den e negoshi.

MAS X MENOS

SUPERMARKET

TA ANUNCIA SU TREMENDO

PORKCHOP SIN WESO	4,20 p/lb
STEAK	3,80 p/lb
STOBA	2,95 p/lb
CARNE	2,80 p/lb
PORKCHOP	2,60 p/lb
SOPPIE	2,35 p/lb
SPERIBS	2,- p/lb
MONDONGO	1,35 p/lb

WEEKEND SPECIAL

També check nos flechanan pa Specialnan ariba
otro articulan y comproba pa bo mes cu
MAS X MENOS
ta NUMBER "1"

INVITACION

JOHN TROMP (P.P.A.)
futuro candidato di e Partido Oranje
ta invita
henter Pueblo di Aruba pa un reunion di contacto
"GRANDIOSO"
cual lo tuma lugar na su cas.

DIASABRA, 20 di Juli 1985,
pa 8'or di anochi.
ADRES: TIMONSTRAAT No. 32

Un invitacion enespecial ta bai na e barionan di Madiki, Ran-
cho, Socotoro (pues Playa Pabao den su totalidad pa ta pre-
sente, tambe Eagle y Paradijs.

Bo Servidor,
JOHN TROMP.

DURACELL®

PENLIGHT SIZE MN 1500B4
AWOR PA UN TEMPO LIMITA.
KU KADA COMPRA DI

3 bateria, 1 gratis

PIDI'E TUR
KAMINDA
KU TA BENDE
CALIDAT

AGENTE:

ODUBER AGENCIES
TEL. : 25333